

新纂云南通志

第二函
十册

新纂雲南通志卷一百七十三目錄

土司考一

制度

沿革

廢官一

雲南府

大理府

臨安府

楚雄府

廣南府

順寧府

曲靖府

麗江府

普洱府

新纂雲南通志卷一百七十三

土司考一

吾國蜀湘黔桂隴康等省皆有土官之設置而滇省尤多滇之土官肇於元而盛於明清代因之蓋滇省僻處西南與藏衛緬越暹羅接近沿邊各地種族繁多語言歧異兼以境域遼闊山嶺縱橫寒暑懸殊交通不便統馭深感困難若以本土人治本籍事當較便利昔諸葛武侯定南中欲使夷漢相安不留兵不運糧用其渠率爲官已肇土司之權輿沿及元代始有土司名稱如蒺藜阿氏麗江木氏車里刀氏咸起於元時明清則授土司者日衆皆原於邊民變亂頻仍雖用兵敕平但爲因地因時而制宜計於是就各族酋長之率兵效順者或應募平亂者論功行賞分別委以土職使其子孫世襲效忠國

家所屬部落即歸其統治用固邊圉土司之興大要如此茲考載籍於其制度沿革及廢官世官之系統事略分述如次

制度

土司制度其官秩之區分秩位高者爲宣慰使司宣撫司安撫司長官司等轄境較寬至如土知府土同知土知州土州判土州同土通判土知事土縣丞土巡檢土舍等則屬文職土都司土守備土千總土把總土巡捕土外委土目等則屬武職世襲之例父子相授凡無出者或以弟襲或以姪襲亦有以嫡妻襲職者其承襲在清代凡宣慰宣撫安撫長官等司隸兵部土府土州隸吏部凡土司貢賦或比年一貢或三年一貢各因其土產穀米牛馬皮布皆折以銀而會計

於戶部

清會典吏部所屬土官則府廳州縣轄之以治其土民永昌府景東廳蒙化廳永北廳各轄土知府一人廣南府轄土同知一人麗江府鶴慶州各轄土通判一人景東廳轄土知事一人永昌府廣南府永北廳各轄土知州一人永北廳轄土

州同二人龍南州轄土州同一人土州判一人新興州轄土州判一人永北縣平彝縣雲南縣楚雄縣新平縣各轄土縣丞一人雲南縣轄土主簿一人浪穹縣轄土典史一人臨安府雲龍州趙州鎮南州鶴慶州羅次縣各轄土巡檢一人順寧府轄土巡檢二人景東廳轄土巡檢三人浪穹縣轄土巡檢四人景東廳轄土驛丞一人其餘正六品土官二人從六品土官一人正八品土官一人正九品土官一人從九品土官五人未入流土官二人凡五十一人皆文職也兵部所屬土弁總督統焉土守備麗江府屬一人中甸廳一人土千總雲龍州屬二人騰越廳屬五人中甸廳屬十六人維西廳屬五人土把總雲龍州屬一人騰越廳屬五人中甸廳屬十六人維西廳屬五人元江州屬改授六品武土官三人七品武土官二人凡六十二人土司統以總督巡撫宣慰使普洱府屬一人永昌府屬一人騰越廳屬一人宜撫使順寧府屬一人騰越廳屬三人安撫使龍陵廳屬一人騰越廳屬一人千戶會澤縣屬一人長官司長官臨安府屬二人順寧府屬三人大理府屬一人龍陵廳屬一人騰越廳屬二人凡十八人皆武職也吏部會典事例順治初年定土知府同知通判知州州同州判吏目知縣縣丞主簿典史經歷知事巡檢驛丞等文職承襲由部給牒書其職銜世系及承襲年月於上名曰號紙其應襲職者由督撫察實先使視事令司府州縣隣封土司具結及本族宗圖原領號紙咨部具題請襲又定凡承襲之土官嫡庶不得越序無子許弟承襲族無可襲則妻為夷衆信服者亦許承襲子或年幼由督撫題明註冊選本族土舍護理俟其年至十五歲時承襲土官年老有疾請以其子代者聽兵部會典事例康熙十一年題准土官襲職停其親身赴京取具地方官保結並宗圖呈報該督撫保送到部准其承襲十九年題准土官病故其子病廢不能承襲者准以孫襲乾隆七年議決土官承襲舊例由本省都司驗明起文今各省掌印都司業經裁汰嗣後土官承襲由布政使司詳報督撫於半年內具題請襲由部覈對無異題明准襲後將替襲職銜繕入號紙給發如有事故稽遲不能請襲者於半年限內咨部存案日久亦准承襲

沿革

按民國後係由各縣各行政委員各設治局取具冊結其清冊除列名稱位置面積人口姓名原籍外並有宗圖親供由民政廳轉呈省政府核委案冊

土司中屬夷族者固多屬漢族者亦不少景東土司姜固宗為本省

鎮南人羅次土司楊大用爲本省寧州人騰越大塘隘土司劉鳳羽爲江西人明光隘土司楊梓成爲湖南人滇灘隘土司之祖先柴鐵爐爲湖北人芒遮板遮放土司多椿之祖先瀘水老窩土司段世海之祖先均爲四川人芒遮板猛板土司蔣金龍之祖先保山灣甸土司景世榮之祖先均爲江南人此其證也惟各土司或直轄於司道或別設流官以治理之邊民服從土司已成慣習土司亦多能率順政令盡守土之責其明大義者因世受國恩或鼎革不附竟以身殉或遇逆招降潛逃全節或因劃界淪入異域旣向當道以泣訴復懷故國而不忘或地爲強隣所佔而守土負責不惜犧牲一切以抵抗並呼號奔走以請援故土司制度在民治國家本應澈底廢除然爲因應事實計用土官以綏靖邊民使化民成俗積之以漸庶幾相習

相安克收設置流官之實效

冊案

歷代土司其世譜有溯及宋以前者皆荒略不備明承元舊所設凡

一百五十四家載明史土司傳土官底簿更詳紀之

四庫全書珍本
初集曾收此書

萬曆志

羈縻志天啓志土司官氏所載略同三宣六慰最爲著名三宣在滇

西南邊境曰隴川曰南甸曰干崖六慰在三宣之外曰緬甸孟養八

百大甸車里木邦老撾又屬於順寧者有三猛曰猛緬猛撒猛更

西與永昌相錯者有二土州曰灣甸曰鎮康永昌西北則茶山里麻

二長官司在焉逮及清代隴川南甸干崖車里猛緬猛甸猛撒猛猛

灣甸尚存雍正間鄂爾泰巡撫雲南倡議改土歸流則烏蒙東川鎮

雄三土府因地近滇省會以歸雲南節制爲宜入奏請改隸雲南相

機改流設三府一鎮永靖邊氛又滇邊西南界以瀾滄江江外爲車

里緬甸老撾諸土司其江內之鎮沅威遠元江新平普洱茶山諸夷
巢穴深邃出沒魯魁哀牢間無事近患腹心有事遠通外國自元迨
明代爲邊害論者謂江外宜土不宜流江內宜流不宜土云旋得旨
即以東川烏蒙鎮雄三土府改隸雲南並任命爾泰爲三省總督先
革東川土司相次以兵力迫烏蒙鎮雄兩土司或降或遁或降而後
叛又復敕平遂以烏蒙改府鎮雄改州又設鎮於烏蒙控制三屬又
霑益土州安于蕃鎮沅土府刁澣及赭樂長官土司威遠州廣南府
各土目先後劾黜亦設流官又進剿瀾滄江內孟養茶山土夷先檄
車里土兵截諸江外直抵孟養惟江外歸車里土司江內地全改流

鄂爾泰改土歸
流事詳聖武記

乾隆三十四年緬甸叛變詔傳恆征之初大勝嗣因病與和

劃孟拱孟養木邦蠻暮諸土司屬緬因緬爲藩雖分其地與緬不啻

仍爲吾屬光緒十一年英滅上緬甸緬甸遂全入於英二十年中英
續議滇緬條約二十三年中英續議緬甸條約簽訂後照此劃界凡
孟拱孟養蠻暮大古刺孟密木邦孟艮景海猛勇猛奈猛欲諸土司
盡失而南甸土司南段之地亦失地數百里至滇越界務自光緒九
年法滅越南十年訂越南條約十三年又訂中法續議界務專條劃
分疆界二十二年續訂界務專條附章猛梭猛賴猛蚌猛約猛渾猛
洗猛倖諸土司盡失而猛烏烏得兩土司地又因法與俄助索遼地
讓與法人惟當猛烏烏得出讓時該地土司曾至鎮邊廳署號泣並
有怨言緬甸孟養木邦既爲英有老撾又爲法屬八百亦相繼淪入
暹境茶山里麻久經湮沒猛緬改設緬寧廳鎮康改鎮康州
其餘邊地及內地各土司在明清兩代沿襲不絕者固居多數因故

按猛猛入民國後改隸雙江縣

被廢者亦時有之在明代如昆明赤水鵬宜良湯池大理楚場等土司皆係先設後廢阿迷王弄山土司爲沙氏所併蒙自阿土司路南秦土司皆係改流除職江川關索嶺土司緣殉難而亡廣西普土司因肆惡被革南寧白水關土司因乏嗣消滅陸涼阿土司因犯罪削除在清代鄂爾泰改土事已如上述餘如昆明清水江羅次煉象關祿豐南平關會澤木期古寨趙州定西嶺浪穹蒲陀崆嶺鎮南關廣通回蹛關雲龍箭桿場鶴慶觀音山建水猛丁等土司多因改流而取銷若開化王氏鎮沅刀氏鄧川阿氏嶧峨王氏元江那氏各土司亦多因故削職雲州土司澂江安置土司普思沿邊普藤土司又係因停襲被裁絕嗣而革除然此第分類擇舉藉明被廢之原因耳至沿襲未絕之土司或經劃分或係新置或自動解除或勢難詳考

即如建水納樓土司初爲納樓茶甸長官司後分爲納樓長舍納樓
二舍納樓三舍納樓四舍又瓦遮宗哈本係一猛後分爲瓦遮宗哈
土把總瓦遮土外委宗哈土外委變爲三猛瀾滄各土司向歸孟連
宣撫司管轄自設鎮邊廳後遂各自獨立惟上下猛允仍爲孟連分
防前隸順寧之孟定後已改隸鎮康猛角猛董後亦改隸鎮邊騰越
之遮放芒市猛板三土司後合併爲芒遮板

案冊

按民國初年李根源等建議改蘭州土舍爲蘭坪縣並改老窩六庫登埂卯照魯掌五土司爲縣名瀘水行政委員民國十八年後
省政府又先後將西南沿邊各地改設車里五福後改名南嶠佛海鎮越江城六順等六縣及寧江耿馬等設治局計車里縣轄有
車里橄欖壩小猛養三土司區域南嶠縣轄有猛遮頂真猛滿三土司區域佛海縣轄有猛海猛混猛板打洛四土司區域鎮越縣
轄有猛臘猛拿猛崙猛仲猛醒猛遠易武各土司區域江城縣轄有整董弄得兩土司區域六順縣及寧江轄有猛阿猛元兩土司
區域及猛往景播貨見蠻浪等地方此係劃分之情形也寧洱所轄之南邦壩卡二塘甲舊歸猛烏管理猛乃甲舊歸烏得管理自
猛烏烏得歸法後另設土司管理瀾滄大啞口東河班洪又皆因需要各設土官或因有功而畀以土職之銜此係新置之情形也
金河茨桶者米兩土司自行解除土司名稱
此係解除之情形也錄之以備稽考 案冊

各土司之興廢歷時既長人數尤衆其世譜難以詳稽至其承襲事

蹟分著於廢官世官各篇中然亦未能備舉也

廢官一

雲南府

昆明縣赤水鵬巡檢司土巡檢阿刺馬丹明洪武中從劉侍郎使車里後從征陣亡錄其子馬速魯麻爲巡檢傳至馬時升襲後廢

王崧道光雲南志鈔

土司志以下簡稱土司志

昆明縣清水江巡檢司土巡檢李保明永樂中以通事譯夷語宣諭八百諸酋授巡檢傳至李賢洪熙中入貢褒以敕諭進將仕郎其地控昆明富民二邑之交李氏所轄有箠浪九村武定夷人累犯諸城

恆拒之傳至李國柱後廢

土司志

易門縣明設土縣丞一員王嵩襲嘉靖末土縣丞王心一反除職

案冊

宜良縣湯池巡檢司土巡檢馬坂

雍正志作娜

明正統中以通事屢從使臣

入三宣諸夷貢方物從夷酋之請以其子馬祺爲巡檢鳳繼祖之亂

發其兵三百人從征蒞甸不靖又徵其衆戍昆陽後廢

土司志

羅次縣煉象關從九品土官李東祚其先李堵本縣昆石鄉人元時爲防送千戶明洪武中率衆從征歿於陣錄其子阿白爲巡檢傳十一世至文秀清順治十六年投誠仍授世職卒子廉潔襲廉潔卒叔父昆秀襲昆秀卒子廷傑襲廷傑卒子清臣襲傳至東祚乾隆四十六年襲五十年改爲從九品土官卒子作棟襲作棟死子棉根因疾告替與嫡長子宗乾道光二十三年襲管地東至滑石板橫路可里郎相連南至易門縣沙矣舊石婆婆西至易門縣界青銅山北至祿

豐縣徹峩山口

案冊

祿豐縣南平關從九品土官李世美其先李喜怒元時以土人爲官
明洪武十六年喜怒子矣招諭夷民復業有功授巡檢六傳至印萬
曆三十五年從征武定叛酋鳳阿克歿於陣無子以矣次子羅綺六
世孫惟賢襲卒子楚南清初投誠仍授世職卒無子以同祖弟惟白
襲惟白卒子文南襲文南卒子天渥襲天渥卒文南弟秀南襲秀南
卒孫毓俊襲傳至東來乾隆五十年改爲從九品土官卒傳至世美
道光七年襲住居土官村管土官上村新莊村阿腦村阿勒村麥冲
村河口村土官莊村長冲村東至清水河二十五里南至長冲二十
里西至稗子溝三十里北至瑤林三十五里

案冊

大理府

鄧川州土知州阿這羊塘里民明洪武十七年蠻賊高生與故元右

丞普顏篤之亂惟這執忠不屈爲西平侯所旌後以擒高生等功授土知州世襲所部皆屬強者依山弱者半附郭嘉靖中阿國禎以兵一千奉調征安鳳後又以兵一千從巡撫鄒應龍蕩赤石崖論功敘賚如例萬曆中阿榮以八百衆護餉征岳鳳罕拔建隴川土城又以六百人搜捕尋甸賊李賢輩其後矣堵蠻罕五井諸役咸在行間傳至阿尙夔清初投誠仍授世職雍正中傳至覓遠以縱賊殃民革

職

參明史土司傳
郡國利病書

雲龍州土知州段保蓋元代大理總管段寶之族也保之祖爲雲龍酋長明兵克雲南保率所部歸附從征普顏篤有功迺改元之雲龍甸軍民府爲雲龍州遂以保領州事傳至綬綬傳至嘉龍嘉龍妻縱虐失夷衆心其叔父土舍段進忠謀奪其職計誘漕澗夷殺嘉龍而

纂之巡撫沈敬煥檄兵備熊鳴岐擒斬嘉龍奏改知州爲流官時萬曆四十八年也天啓中嘉龍子綵有剿寇功給冠帶鈴束夷衆傳子

德壽後廢

土司志

明代大理府屬土官先設而後廢者巡檢十家曰楚場司楊波曰你甸司李義曰安南坡司李納曰賓居司董保曰金沙江司得力王石曰師井司楊勝曰上五井司楊惠曰順邊井司李良又有楊世勛曰十二關司李智驛丞三家曰德勝關驛王義曰洱西驛張鑒曰雲南驛袁娜凡此十三家始因有功見錄繼以式微致廢事蹟世次俱無可徵僅存其官職姓名而已

土司志

趙州定西嶺土巡檢

住定西嶺東至阿古黑山頂雲南縣界南至定遠縣水槽哨大設苴及景東界西至蒙化廳鳳凰山界北至大莊界

李泰源其先李清

宇元末爲彌只防守千戶明洪武十七年歸附授巡檢傳至齊月無